



ANAK ANGKAT...penuntut Kuktem mendengar penerangan daripada Faisal (dua dari kanan) dan Fadzil (kanan), sebelum diserahkan kepada keluarga angkat. — Gambar SAMSUDIN AWANG

60 pelajar jadi anak angkat

KUANTAN: Seramai 60 mahasiswa Kolej Universiti Kejuruteraan dan Teknologi Malaysia (Kuktem) mengadakan Program Bakti Siswa 2005 di perkampungan nelayan sekitar kawasan Dewan Undangan Negeri (Dun) Beserah dekat sini, bermula semalam.

Peserta terdiri penuntut Fakulti Kejuruteraan Awam dan Sumber Asli (FKASA), Kuktem, yang diserahkan kepada 26 keluarga nelayan sebagai keluarga angkat mereka sepanjang program berlangsung.

Program empat hari itu memberi tumpuan kepada kajian pembangunan sosial masyarakat nelayan di situ di samping pengajuran beberapa aktiviti kemasyarakatan seperti bengkel pendidikan kepada murid sekolah serta sukan rakyat bersama warga belia kampung.

Dekan FKASA, Fadzil Mat Yahaya berkata, matlamat utama program itu adalah untuk memberi peluang ke-

pada penuntut mendekati masyarakat nelayan di negeri ini melalui aktiviti kemasyarakatan bersama penduduk.

"Kita menganjurkan aktiviti yang dapat memberi manfaat kepada kedua-dua pihak sama ada anak angkat mahupun penduduk kampung melalui program seperti rawang, ceramah agama, bimbingan kepada anak nelayan serta belia di situ," katanya.

Sementara itu, Ahli Dewan Undangan Negeri (Adun) Beserah, Datuk Faisal Abdullah yang merasmikan program dan menyerahkan peserta kepada keluarga angkat berkata, usaha itu dapat mempromosikan bidang pengajian di Kuktem kepada masyarakat di situ.

"Kuktem wajar menggiatkan program sosial bersama masyarakat setempat supaya mampu memberi gambaran lebih jelas kepada penduduk berhubung institusi itu.